

天津縣志卷之二十三

藝文志

國朝

登津門稽古寺閣

高爾修

歲餘積雪苦凝寒閒步登臨古寺闌百雉金城窻  
外峙一灣漕水坐中看東浮烟霧蜃樓市北起風  
沙燕塞巒乘興欲窮千里目

帝京遙在五雲端

總馬行送任御史

明

視蹉長蘆

朱彝尊

春明門東驄馬嘶奚官新鑿碧玉蹄紫茸鞞鞞錦

天津縣志

卷之二十三

藝文

一

障泥使者衣繡行長隄寒花露草烟淒淒千樹萬  
樹楊柳低津門此去三百里來朝定指西沽西長  
蘆鹽筴通青齊君今乘驄按左海章綬不殊還會  
稽我歌驄馬行君騎驄馬去明年策馬來春明應  
記今朝送行處

八月十五夜集天津曹武備

斌

官舍分韻得床字

朱彝尊

北里商歌倚笛牀層城秋色轉蒼涼關河西望猶

千里

自注時將  
適雲中

烏鵲南飛更幾行冷露自零敲桂

樹深杯無那鬱金香習池不改山翁興倒載還同

舊葛疆

雲中客舍曹武備自津門以筐鱉銀魚見寄賦謝

二首

朱彝尊

千里三沽使傾筐異味傳霜螯初入手臘月更須  
憐重馬愁官吏香杭憶野田江鄉好風物罷酒數  
歸年

水族殊鄉至明燈夜不孤雪花寒意減玉盃近看  
無反厭流匙滑宜將剩酒沽遙憐垂釣客白首向  
江湖

張魯菴水部招飲一畝居羣賢畢集斐然有作四

天津縣志

卷之二十三

藝文

二

首

邵長蘅

我病索居久招尋有數君名流煩折柬水部況能  
文散帙烏皮几臨池白練裙淹留歡竟日屋角靄  
餘曛

坐愛林泉勝爲園一畝餘磴危仍綴菊澗仄亦游  
魚老樹侵霜禿寒藤挂石疎到來幽興極誰更憶  
吾廬

會此帝京少故人蒼鬢多醉醒渾感慨出處各蹉  
跎味憶江瑤柱盃行鸚鵡螺酒酣誰斫地吾亦欲  
悲歌

華燈高樹亂石氣晚來青正喜看人飲誰言愛獨醒  
余肺病止酒 統統急街鼓啖啖下寒星明日還來過  
新詩許更聽

天津晚眺

余 縉

秋原鳴絡緯落日照黃花渡口喧津樹漁舟動遠  
沙草深常鬪鵲簷際尙留瓜河渚中流隱孤城雨  
後斜田家三四媪負子話桑麻

大悲院次馮序珍韻

沈一揆

水落津門隔上方千秋寒玉尙如僵沙浮古渡晴  
吹雪鹵積平疇暖作霜放下春愁心更濶拈來花

天津縣志

卷之二十三

藝文

三

片指還香相看直是廬山社欲就松陰結草堂

集問津園分賦時余有楚行

沈一揆

小築池亭傍北郊雙扉時許故人敲庭前不蓄閑  
花草手植雙松待鶴巢

宛洛分泥栽芍葯海門引水種芙蓉李家樓閣吳  
家樹誰道君園尙不如

垂楊四面小窻低春到枝頭綠未齊冰泮玉河新  
水漲一灣直過草堂西

半篙春水一扁舟只載斜陽不載愁我到瀟湘還  
妬汝綠楊堤畔控驂騶

白廟

查慎行

一院槎枒樹居僧守鵲巢俗貧稀賽社瓦缺只編  
茅暗處蟲絲接塵邊鼠迹交漁人來寄網時有一  
船稍

天津關用薛文清舊韻

查慎行

地勢東來一掌平忽開官閣起崢嶸風腥曉市知  
魚賤客過嚴關喜篋輕暮雨暗添丁字水春陰低  
壓直沽城雲帆轉海非難事誰念東南物力傾

天津別姜西溟次韻

查慎行

同是春風失意時送君真覺拙言辭杜陵旅食經

天津縣志

卷之二十三

藝文

四

年久熙甫才名一第遲青鏡從渠增算髮白身輸  
客賭殘棋老來別緒兼師友那得并刀剪亂絲

桃花寺

查慎行

已過桃花口再問桃花寺獨客叩門來老僧方坐  
睡欲知春淺深但看花開未

舟次天津

曹鑑平

春月辭家出津門入夏過從知燕市近還見海雲  
多萬堞臨高阜千帆蕩濁河幾回哀雁度鄉思更  
如何

天津夜泊次季友韻寄方回赤城 周 綸

搖落悲秋擬問天夜鐘岑寂纜行船銀河無路看  
垂盡碧月長空照自圓京洛弟兄憑短札鄉園風  
物憶殘年津河一綫通瀛海遮莫仙山隔暮烟  
新安查翁天行久客天津年七十矣新構一園曰  
水西園辱招遊賞停舟竟日賦謝 陳元龍

衆流歸海下津門攬勝名區萃一園林木千章藏  
曲折烟波萬頃變朝昏棹歌帆影穿雲度田舍村  
墟擊壤喧山徑登高叢菊滿茱萸重插爲開樽  
停舟話舊暫淹留把臂相看兩白頭湖海寓公成

大隱冰霜勞客遂三休徵歌曲罷聞吳詠投轄情

天津縣志

卷之二十三 藝文

五

殷滯衛流坐倚軒窗還惜別鳳城不遠有丹邱

坐攬翠軒與天行述舊

陳元龍

乘興三津路秋帆下白波高風循蕙晦令德表松  
柯韋杜名家著羊求舊侶多莫嫌俱白髮把酒共

長歌

憶昔干戈日君家祖德長閨房明大節冰雪凜清

光七烈聲名遠

崇禎甲申國變君祖母周氏叔祖  
母張氏姑母二姑三姑四姑祖姑

母黃夫人黃女四姑庶叔祖母廉氏廉母某氏同  
日自縊以殉絕而復蘇者廉氏及四姑前輩陳檢  
討維崧姜編修宸英等  
爲賦七烈詩文甚富 千秋鼎俎香承平懷世澤

回首感蒼茫

天津

江羽青

茫茫滄海路此日悵浮家縹緲凌蛟窟虛疑入斗  
槎天空潮似馬船到市如車惟有關門倅辛勤問  
爨牙

壬申七月十三津門旅舍生子善長口占

顧永年

旅店荒荒宿朝來舉一兒暫時差撥悶過後轉縈  
思辛苦烏哺始艱難襁負隨家書四千里含淚報  
親知

試啼方喜慰對婦又愁生兒女懷中累關山病後

天津縣志

卷之二十三

藝文

六

行鳴鳩飛失足雛鳳噉能清待看燈前舞還娛垂  
老情

寓居海潮菴十首

顧琮

古寺空廊靜涼秋悵瑟居奚奴鋤徑草野客餽園  
蔬尋水朝看稻下帷夜讀書由來四方志隨處卽  
吾廬

憶昔樓邊宿長吟獨臥遲庭寒風入戶窻白月臨  
池去住雲還在行藏海豈知舊遊今更好野寺一  
題詩

招提秋更靜吟臥洗孤清萬事意何愜三更潮自

生梁空巢燕去砌冷草蟲鳴展轉未能寐  
牕隅斜月明

四野雞聲歇海天朝日升晴光開宿霧  
殘卷罷晨燈驅路悲駑馬觀空笑老僧  
敢言清白吏還似玉壺冰

鳴蟬托高樹啜露曳清音何事聽偏遠  
悠然感欲深秋花開有意明鏡照無心  
薄劣慚名達公餘更惜陰

牕暗庭將暝林疎透夕陽披襟憐客路  
淪茗戀僧房空色塵猶染筆花夢亦香  
不知風啓幙落葉滿

天津縣志

卷之二十三

藝文

七

秋床

薄衾眠未穩殘夢伴孤鴻枕上秋聲冷  
牕隅樹色紅看人非白眼入室是清風  
寂寫攤書坐幽懷誰

與同

地僻人來少清秋客自吟將軍同逸興  
車馬到荒林厨冷茶烟細堦空木葉深  
城隅三兩戶薄暮動疎砧

隣寺鍾聲盡牕虛月色寒掩書聞雁過  
摘菊拂霜看吟咏三更苦推敲一字難  
僧房聊可寓未慮客衣單

窮通安足問抱道意何深閒賞鳶魚趣靜叅天地  
心戶庭無俗事林壑有清音徒倚緇廬晚涼風吹  
我襟

天津寓居擬古三首

顧琮

奇花生珠樹何以落阡陌雖萎猶清芬泥塗良足  
惜安得雙飛燕啣入層城宅結作梁間巢餘香致  
君席  
林園愛佳日春秋物色宜瞻彼卉木榮欣然有所  
思馥馥秋蘭芳天天春桃枝彼此非相乖所托各  
有時

天津縣志

卷之二十三

藝文

又七

楊柳何嫋嫋春溪綠且深溪邊桃與李自爲嘉樹  
林奈何秋風至芳園忽蕭森瞻彼松與柏乃在高  
山岑青青歷霜雪誰謂春無心

因管總鎮自漏屋徙海潮菴復饋郊兔兼謝有作

顧琮

賴有將軍力僧房許寓居傍花移竹榻開篋曝蟲  
書秋獵分郊兔朝餐合野蔬不愁風雨夜安枕亦  
吾廬

鹽關夜歸

蔣林

高城月出四天寒樓閣如霞望裏丹籠燭不須迎



馬首簾燈早已夾河干魚鱗屋比千家小雁翅船  
連十里寬

聖代卽今徃賦薄津頭誰信客程難

過大悲苑草堂

龍震

翛然塵垢盡最是草堂中吟對僧頭白閒消花氣  
紅方塘溢宿雨高樹落清風坐到忘言後心空境  
亦空

望津門晚烟

張坦

津門行平疇騁目數千里落景延殘城晴光碧於  
洗一葉無端倪灑然塵慮委微風不滿林波痕彌

天津縣志

卷之二十三

藝文

八

清泚墟烟藹藹生萬縷散如綺樓臺隱翳歷掩映  
遙峰紫璫室吐火珠金光浮兩涘溪樹漾參差青  
蒼蒹葭倚水天不復辨元氣混茫裏遠觀崑崙霞  
蒸蒸照赤水近覲泰山雲觸石膚寸起素練雜紅  
綃兩兩差可擬烟光亦恒景燦爛無如此或云近  
海天沆瀣遙相被或云近丹闕光輝騰瀾瀾大造  
本自然具勝在物理遐矚當暝時轉與朝嵐似漸  
窺天鏡明咫尺銀漢指彷彿紫光中飄飄來仙子  
有志在凌烟輕身騎赤鯉

發天津

張坦

駿馬隄邊路征衣拂曉晴寒雲澄海浪殘雪凍沙  
城連袂皆同調辭親暫遠行遙知吳地草旦晚發  
春榮

陪莽使君祀海神廟恭紀十二韻 段如蕙

睿德三靈協符功九有同懷柔先岳瀆秩望遍西  
東祝冊傳中使親牲職鉅公旌旂明海上鏡鼓譟  
晴空越宿齋宮暮牽牛夜正中內香擎寶炷沉璧  
奠河宗俎豆容儀古衣冠贊拜隆精英昭祀典豐  
潔報神功余添趨承後叨陪禮數崇愧無明信達  
敢望悃誠通瑞獻風颺熄祥呈歲事豐神人共嘉

天津縣志

卷之二十三 藝文

九

悅歸報未央宮

津門苦雨行

魯之裕

女媧石古天痕漏六月愁霖失昏晝百川滙海襄  
大陵千里滔天沒封埃天津市廛萬竈沉兼日百  
謀一薪楨

天子命下官祈晴秋朔金烏晃然覲哉生魄後復傾盆  
屋倒墻欹徑苔繡羸癯稚弱淪驚波妖鯨毒鱗衝  
衢鬪嵯使蒿日蒼黔魚繪圖直向

彤廷奏捐珠醲桂療飢鳩千百殍殭什一救江南遊子  
對思鄉淚眼當天濕襟袖

玉皇閣

魯之裕

直在雲霄上蓬瀛望可通萬帆風滙午一鏡水涵  
空刺耳談珠桂酸心繪雁鴻白頭當

聖世愧作嘯嘯翁

登環水樓

魯之裕

鎖鑰津門栢府雄牙旂秋漾碧波中河通大海聲  
彌壯人上層樓眼愈空跋浪鯨鯢驪得雨濟川舟  
楫快乘風堯天猶自憂昏墊倚檻誰思度土功

次葛沽

金平

十年懷此地百里未能遊一夕隨潮至千門向水

天津縣志

卷之二十三

藝文

十

流橋橫村樹靜蟬響稻稭秋何日期沮溺耕烟臥  
壟頭

正月九日過海光寺

胡捷

春郊策馬日初遲正是沙平草淺時澗道猶聞冰  
瑟瑟溪頭已見柳絲絲談立入座翻新偈憶往登  
樓檢舊詩紅鶴白松成寂寞海天寥濶動相思

九日登稽古寺閣

沈起麟

拾級登危閣摳衣緩步行驟驚飛雁近恍覺暮雲  
平屋瓦如鱗次河流似練明試聽簷鐸振空外忽  
傳聲

天津

章琦

海氣忽吞城朝來破浪行到門舟上下繞軸水縱  
橫天意歸秋色鄉心隔雁聲載歌歎乃曲別浦暮  
烟生

題環水樓

沈儼

百尺烏臺俯碧湍登臨每向靜中看怒濤聲震疑  
排闥駭浪花飛欲繞闌地近滄溟思煮海時逢熙  
皞慶安瀾波臣退舍皆膏壤一望平疇眼界寬

直沽汛師歌

金大中

丁字沽邊春水生桃花寺口暮烟平年年嫁娶漁

天津縣志

卷之二十三

藝文

七

船裏不用前溪打槳迎

義羸行

吳廷華

高沙嶺頭霧四塞北風森森殘月黑野店有客挾  
重貲跨羸出門未辨色長鞭策羸羸不行羸有戒  
心難自明荒雞聲裏強就道暗中忽有金鐵聲客  
素能兵力稱最不料危機伏意外抽刀擊賊身忽  
顛賊鋒已中客要害囊貲席捲剩客屍客屍臥血  
紛淋漓陰房鬼火慘林木舊鬼歡迎新鬼哭新鬼  
哭人不聞義羸怨氣欲遏雲衛主愧乏侍中血口  
不能語心如焚報讐須向賊巢去恐爲賊拘不敢

遽道旁四顧重躊躇忽記昨宵曾宿處回頭走撞  
宿處門主人驚起燈燭昏開門認得前客騎胡乃  
背主獨反奔懷疑姑令暫入廐廐下尚存昨棧豆  
羸方滴淚堅不食怒嘶不翅獅子吼朝來吼聲驚  
四隣對羸無策相咨詢就中鄉老號有識知羸當  
有怨欲伸謂羸此豆爾且啜爾寃我當謂爾雪轉  
呼同伴走前途途遇客屍認模糊先是客家夢客  
報尋踪至此逢鄉老入邑急啓大令知大令已若  
神告之懸賞大索不旬日爲客獲盜歸其貲家人  
語羸羸得意飽食欲隨客入地一時圍皂控勒嚴

雙睛尚灑臨風淚嗚呼噫嘻此義羸與人一心久  
不磨昔聞蘆臺有義犬與羸毋乃稱同科老夫執  
筆重大義敢擬玉臺龍友之雅歌

事詳  
雜記

志局爲學使者校土地其西積水成窪廣可一里  
許長隄中亘通以平橋與同人遊而樂之分賦得  
十一隊二十四韻

吳廷華

海津城隅闢草萊呀窪乃作衆水滙規圓明鏡豁  
然開溶溶眼波泛青睞平隄中亘綵虹長小橋低  
架靈鼉背城中如此水凡五皆濁獨清絕點穢何  
人曾借龍門鑿一時竟偃雞鳴埭此地雲漢最末

流天一精氣滋大塊七十二沽水潛盤九十九淀  
流汪濊更從新邑濬文瀾校士場開潤筆采我來  
剛值使節移劇知講肆非馬隊昨朝入局出輿圖  
海志水經搜紀載行篋無多腹笥虛硯田籍此一  
沾漑閒來擲筆涉成趣臨崖小立呼儕輩一泓靜  
影天宇涵四面微風藻紋碎有時疊浪作屑霏如  
瀉龍池珠百琲有時輕靄隔岸橫女牀方丈依稀  
在朝暉夕陰晴雨宜里許清波千萬態吾儂家住  
金牛湖水染青螺山點黛更憶清河功甫家白洋  
池水淵泉湧池在艮山城西張功甫故園也較此疇分輕與軒敢  
水聲若長慨

天津城西觀水

符曾

高下人家住水村屋山都傍夕陽昏七旬夏潦成  
秋潦百里津門接海門霜柳露芽橫渡口風帆沙  
鳥亂城根不堪回首瀛洲地望斷荒原沒漲痕

天津送朱稼翁徵士還秀水

劉文煊

木葉下亭臯西風吹紵袍九衢淹旅食三板急歸

艘芸閣遺書在荷池結屋牢還家一杯酒揮手謝  
羣豪

漂榆城北路惜別駐河干葦岸鯨波落津樓雁影  
寒往來成晚晚去住共艱難祖德君應述看營棗

木刊

時擬刻竹垞翁所著瀛洲道古錄經義攷二書

香林苑贈王鍊師二首

查爲義

琳館河壩上青苔滿院滋入門同佩景把袖勝飡  
芝月榭吹笙靜風簾搗藥遲湛園遺墨在留玩拂  
蛛絲

方袍老羽士獨誦住香林留客翻雲笈多年冠玉

天津縣志

卷之二十三 藝文

四

簪亂峰環砌抱叢栢壓檐陰卽此幽棲好何勞戲  
五禽

三月三日遊稽古寺登藏經閣晚過水西莊飲丁

香花下

萬光泰

採蘭拾翠芳洲暄江南此日嬉遊繁天津塵高沒  
馬首亦有韶光在楊柳東家西家爭早出細綺輕  
紈嬌嬖質未能免俗聊復然不使山花笑遲日稽  
古寺前春鳥鳴駮駮丹閣高傾城貝多葉細如山  
疊寶積阿含紛四楹頭陀晏坐同饑鶴清磬數聲  
花雨落多少魚須玉珮聲清幽不到檐間鐸回首



西園咫尺餘丁香幾樹又芬腴蘭亭少長咸來集  
何似風涼出舞雩京華昨歲聽春雨撥火添香喧  
夜語座客俱能唱越吟少年尤數袁臨汝雙輪輾  
轉還一年置身猶在瀛海邊江南路長歸不得酒  
闌數視珊瑚鞭舍前綠水明浮蟻蓮葉舟輕蕩洲  
尾荻笋穿泥苻芽紫明歲春歸吾歸矣

過慶國寺

萬光泰

去海無百里河流何滔滔午風旣云息晚潮亦已  
高精藍濱水涘訪古恣搜撈山僧不解事斷石填  
墻濠呼群曳碑出春蚓迷秋毫聱牙交口讀汨渥

天津縣志

卷之二十三

藝文

五

澄泉淘嗟嗟古遺籍幾輩埋蓬蒿唐宗昔雄武跨  
海橫征艘

寺係唐太宗征高麗回  
息土處俗名挂甲寺

青萊沸雷鼓平

壤鳴霜刀幸也得勝返虎旅辭伏竅不然亡隋續  
世事紛牛毛

國家耀文德箭箠弓亦橐不縣魚門胄寧試楚練袍寄  
語太平民無棄耕桑勞

宿甘露寺

周焯

溪寒天欲雪向夕叩僧關磬響一時息余心適與  
閑空香來枕上清夢落松間愛此應長住無勞更  
買山



冬至後一日過掛甲寺訪子憨憨堂兩上人

周焯

幽居忘物候偶爾叩禪扉坐見庭槐落方知秋意  
非一鑑雲外煮雙塵月中揮縱有枯榮思潜消何  
處歸

孟秋同江岷山遊香林有懷野鶴道士

周焯

有客扶筇海上來清秋携我訪丹臺船隨沙雁一  
行渡門對河流三岔開行藥道人猶似鶴題墻詩  
句半封苔勝游忽憶當年事獨下長廊步又回

天津縣志

卷之二十三 藝文

六

過西沽戍臺

胡忠楨

客路蒼茫外殘陽隱堞樓崇基接大野孤影鎮長  
流海氣蛟龍靖人烟草樹稠太平無戍角牧笛入  
清秋

放舟三會口

田同之

西風吹落日解纜出津門龍捲秋雲黑鷗翻海浪  
昏三义分水色萬櫓急雷奔吟望蓬窓下茫茫沂  
大渾

桃花口

金尙炳

來宿桃花口還尋楊柳青何曾比人面渾未折長

亭芳美園空寂支離夢杳冥一般名實舛無事混  
圖經

春早渡西沽浮橋卽日偶成  
張坦熊

農事方興作鳴騶出郭聯馬蹄波影上人語曙光  
前臺笠東菑雨簑簪西浦烟太平原有象休說長  
官賢

謁賢王祠恭賦  
楊灝

九派安流三岔河賢王祠外泛輕波恩承

憲廟千秋祭功在津門五穗禾旗捲南帆輸玉粒靈依  
北闕佩金珂一卮拜手椒漿奠難忘當年提命多

天津縣志  
卷之二十三 藝文 七

天津賑恤行  
博爾和

乾隆二年夏之半時雨稍違

聖憂旱捐租

鳳詔頻下頒復籌賑恤勤宵旰欲溥甘霖潤枯槁敬宿  
齋宮誠致禱宮懸雅奏撤咸英大官

御膳辭珍好七省軍儲飛轉舳截散

天庾百萬斛喜氣歡聲宇宙盈大地生民全比屋入秋

汎水溢河流更

頒府藏修村塾巷戶堅完釜有糧荒年更比豐年足小

臣奉

命出京師監理漕儲適觀之不知普遍承

恩者此生何以報無私

送吳僧秋臯之津門

王士正

愛君殘雪句宛似碧雲篇

原注上人句云鳥啼殘雪樹人語夕陽山

獨向中峯住深參不二禪直沽春小岸通潞夕陽

船乞食王城去遙聞袒右肩

五月二日遊懷園有作

趙方頤

野岸潮初長輕舟似浴鳧到門風趙棹入竹鳥提

壺古蔓緣牆上圓荷接檻鋪居然三伏過蒼翠滿

菰蒲

天津縣志

卷之二十三

藝文

六

褫帶眠盤石扶闌過峭岑野翁參奕旨童子發華

音日炙絺衣重風和酒盞深晚來雲雨黑歸棹莫

侵尋

玉皇閣春望

惲源濬

海色通羣象晴雲旦夕浮高城千雉出遠渚一帆

收星散空陳迹鶯啼感昔游津河芳樹密日暮起

離愁

過河渚草堂遂遊淨土大悲直指諸蘭若

曹雲昇

習家池館最幽清門外田如熨斗平卓午野禽啼

格磔講堂分却誦詩聲

結廬最喜近精藍雁子堂連燕子龕墻下柳條新  
伏土明年會見綠璫璆

戊午夏秋之交霖雨爲患河洶四溢而津門地當  
下衝受淹偏重與丁巳秋澇相埒爰誌憫災四章  
朱奎揚

利盡魚鹽說水鄉力田何事每逢荒漏天十日懸  
鮫室破峽千尋瀉呂梁未雨拙謀殘牖戶逾年驚  
覩兩滄桑金穰火旱原無據莫漫踟躕問彼蒼  
非緣萬壑未安流南北爭趨滙下游是處窪田同

天津縣志

卷之二十三 藝文

九

仰釜去年陸地早行舟占文寧謂偏私畢辨土難  
期大有秋涼德小臣慚負職海疆兩厓

九重憂

一片波光望渺然巨區撮壤可能填頓消地力無  
毛土羣仰天儲續爨烟八載神功空禹跡九河霸  
術擴齊田天津爲九河下稍只今疏濬如堪倣敢憚胼胝

說距川

滔滔四野歎淪湑

帝澤汪洋更有餘粟截畿南籌緩急先奉截漕數十萬於津倉以備需用  
商通關左劑盈虛偏災疊歲何堪命大賚回天奠

厥居慶爾生逢

聖明世不教羸弱轉溝渠

時雨初霽郊行志喜二首

朱奎揚

入夏炎熇烈平疇土欲焦

恩膏重有詔甘澤遂成謠柳外扶犁出橋邊舉網招喜

逢田父話涼意劇飄蕭

雲淨碧天曠驅車爲啓顏蛙聲喧壠畔日影澹林

間但卜倉箱慶何辭泥淖艱政成非易事民樂暫

心閒

西沽

施士鑑

天津縣志

卷之二十三

二十

停瀕郡西畔澥渤水東隅橫帶五千淀遙隣七十

沽上游收潦涓南泊瀉葫蘆合作朝宗勢平成溯

禹謨

堤頭晚歸

姜森

一棹橫秋水蒼茫渡晚烟雲陰融岸樹燈火靜漁

船路怯新橋窄村憐野潦穿歸蹤徒踽踽躑躅斷

流前

九日泛舟直沽

俞啓文

不爲登高去翻成破浪行帆從雲際落舟向樹頭

撐萍梗心無定風波夢亦驚故園何處是菊酒總

關情

葛沽看桃花

童國松

人面相看渾欲醉不須沽酒借朱顏布帆一片紅  
於錦島上來尋度索山

泛望海寺至香林苑觀衛白二河交會處

金相

停舟碧綺寮憇跡青華觀晴烟羃花積宿靄延林  
散緇廬改新制櫺構溢璀璨開門見大河日夜納  
漫汗京西三百川一氣總輸灌呼吸走風雷憑陵  
倒滄瀚經營一失宜龍鼉窟高岼昏烏萬檣宿晨  
火千家爨保障有賢臣園葵敢興嘆

天津縣志

卷之二十三

藝文

三

寄湘南上人海光寺

李源

草色黏天碧四圍粥魚聲裡掩雙扉茶香禪榻無  
人到齋罷經臺有鴿飛一逕落花初入定半牕明  
月可忘機三間我憶荀荀屋細葉陰陰結翠微

過衛安門恭賦

朱函夏

蓬萊仙靄接層城佳氣全將舊象更粉堞高承雲  
葉密金題新煥日輪明海襟河帶雄藩地鳳翥龍

蟠

御賜名

憲衛安天津城西名

欽定誰信登高能作賦太平閒

煞老儒生

天津城南冰泛歌

查學禮

陸行利用車水行利用舟水陸用各利功力兩不  
謀朔風一夜關南至河水吹高作平地處處牽船  
岸上居乘輿亦見中流濟漂榆城邊寒月明石田  
萬頃霜棱生晶瑩倒射天影白七十二沽無水聲  
篙工楫師繞隄住伐木丁丁作床渡或橫或直俱  
堅良不琢不雕守淳素索綯纍纍煩攜持織葦平  
平任分布獨行可學企脚眠並坐何妨交臂聚綠  
蟻旣已篤招我同心儔參差出城闕共作南郊遊

天津縣志

卷之二十三

藝文

三

鹿鹿冰牀遶湖側凌風卧看玻璃色勁急群驚鐵  
箭飛往來如倩金梭織須臾忽近招提境樓閣峩  
峩動幡影怪我初從蛟室來滿身猶帶珠光冷觥  
籌雜遝催談笑聲喧豗不知銀漢淺惟見玉山頽  
八蜡祠前鳴社鼓聳身疑入清虛府翻喜今年臘  
日長不須早喚春風舞斜洲有落暉烏鳥東西飛  
良時不可失奚惜秉燭歸復有輕雷鳴澗壑瑤天  
忽散銀花落此夜馮夷應不眠舉頭當羨人間樂  
人間何事無懽愉探奇選勝隨所如他時莫忘冰  
行路須記城南舊酒壚

天后宮

于廷獻

驅使封家十八姨龍洋鯨浪坦如夷三津宮殿同  
瞻仰萬里帆檣盡指迷彩蝶祇今來海舶神鴉終  
古拂靈旗

聖朝重譯爭修貢呵護傳聞事更奇

重過香林院有感

查 曦

重來舊社憶鷗盟不道文章隔死生四壁圖書今  
日泪兩廊竹樹昔年情騎鯨客醉花間酒跨雀人  
吹月下笙回首風光無限好薔薇爭發鶉鳩鳴

別準提寺

黃 祐

天津縣志

卷之二十三

藝文

三

一塵不到處強半屬僧寮睠此身常憇別來首屢  
翹世緣甘自淺清興迥難消何日攜鷗侶重尋過  
野橋

喜高三孝廉

藹

重來津門卽席分賦時上巳前二

日

胡睿烈

故人不見又三年海國重逢笑拍肩芳草綠齊調  
馬路春波晴展浴鷗天未容車轍喧門外依舊鶯  
花繞屋邊太息流光彈指過幾時歸辦買山錢  
卧碧堆紅色斬新由來韋杜最宜春拂欄劇愛惺  
忪柳入座都無佻儻人但乞一觴兼一詠莫論誰



主復誰賓水嬉尙有湖亭興小海歌中走馬頻  
正月十四日儉堂招集水西莊數帆臺看雪分賦  
得風字

胡睿烈

昔聞燕山雪花大逾掌寒威如鏃侵貂鷄搗來歲  
簫條三易每怪玉戲慳天公昨宵蹋燈入燈市歌  
聲匝地酣春風五光徘徊耀城郭笑隨竹馬嬉兒  
童搖鞭競走湧泉寺墜珥爭入靈慈宮擬約排日  
連臂出恣看萬樹晴霞烘詎知滕六不解事盡碾  
瓊屑飛長空黯伯停杯鬧侯卧六街路絕遊人窮  
捲簾我愛風色好急走西郭不憚裾霑震高臺一

天津縣志

卷之二十三

藝文

十四

眺懷抱豁遠睜近壠無窪隆迴視喬木眩難辨柳  
花併入梨花叢凭闌無語衆籟寂但見茜衣獨立  
垂竿翁何必列炬千門紅瑞葉亦足占年豐片雲  
不到塵不到此身恍在三山巖尊前試聽唱玲瓏  
月出上下清輝通疎鞍寄語休怱怱

葛沽宿洛迦方丈

釋成衡

一鞭東去海天寬白雁橫秋草樹寒千里尋山原  
有約二毛爲客太無端裹鹽人散蒼烟澹挂網船  
歸夕照殘獨夜孤村苦無寐時回吟首望長安  
偶過八里臺有懷藍叅軍

釋成衡

去城官路無多里一堠才過一堠來深巷無人惟  
閉戶夕陽有我獨登臺烟波寂寂傷今事風雨蕭  
蕭感舊醅天柱峰頭少相識不知懷抱爲誰開

舟行丁沽

釋成衡

放溜下丁沽人家半水居淺沙分井竈小市集樵  
漁榆柳栽成巷茄瓜載滿輿波光浮岸闊星影入  
林疎土釜炊紅鱗青絲釣白魚帆收晴過牖燈上  
夜翻書雲卧人爭得鷗閒我不如輕烟遙拂岸細  
雨不沾裾湧沫飄行旆狂波撼太虛荒荒千里外  
只此亦吾廬

天津縣志

卷之二十三

藝文

五

冬日過海光寺

以下補遺

佟鉉

斜逕紆徐指梵宮板橋村落畫難同微冰凍積溪  
頭雪枯樹狂號野外風十里籃輿冬日暖孤城蕭  
寺海天空到來爲覓湯休話人在茶烟牕影中

張節婦輓詞

黃謙

娟娟弱質入門而鬢新篁有節古井無波

辛丑中元夜同人泛舟觀燈

武弘彥

暑散河邊爽潮來岸更平波光涵月色海氣淡雲  
情緩緩柔輕櫓迢迢上太清長空秋正遠天水永  
無聲

丁巳秋夜天津防汛與仝事勘工 武啓圖  
行行相與到津頭兩岸垂楊映水浮暑色漸消開  
靜境河源可探定同遊一時清氣通閭闔永夜精  
誠貫斗牛歲月不妨隨俯仰冰輪先照海天悠

詞

明

柳梢青 過楊柳  
青作

高承埏

春事今年山桃無恙花朵依然細雨霑沙歸雲逗日淺  
碧羅天 青青楊柳隄邊且繫住烏篷小船荻筍新芽  
河豚欲上拚醉鱸前

天津縣志

卷之二十三 藝文

三

國朝

浣溪紗 天津  
道中

朱彝尊

海燕西飛白日斜 許  
渾津橋春水浸紅霞 雍  
陶鷓鴣灘

鵝滿晴沙 杜  
甫 樹色到京三百里 殷  
堯 柳條垂岸

一千家 劉  
商 權聲烟裏獨嘔啞 韋  
莊